



# 圳頭國民小學 四年級 上學期詩詞教育時程表

週別	家長簽名	詩題	作者	內容
1		聽蜀僧澹彈琴	李白	蜀僧抱綠綺，西下峨眉峰。 為我一揮手，如聽萬壑松。 客心洗流水，餘響入霜鐘。 不覺碧山暮，秋雲暗幾重。
2		山居秋暝	王維	空山新雨後，天氣晚來秋。 明月松間照，清泉石上流。 竹喧歸浣女，蓮動下漁舟。 隨意春芳歇，王孫自可留。
3		望廬山瀑布	李白	日照香爐生紫煙，遙看瀑布掛前川。 飛流直下三千尺，疑是銀河落九天。
4		月夜憶舍弟	杜甫	戍鼓斷人行，邊秋一雁聲。 露從今夜白，月是故鄉明。 有弟皆分散，無家問死生。 寄書長不達，況乃未休兵。
5		離思	元稹	曾經滄海難為水，除卻巫山不是雲。 取次花叢懶回顧，半緣修道半緣君。
6		夏日絕句	李清照	生當作人傑，死亦為鬼雄。 至今思項羽，不肯過江東。
7		別房太尉墓	杜甫	他鄉復行役，駐馬別孤墳。 近淚無乾土，低空有斷雲。 對棋陪謝傅，把劍覓徐君。 唯見林花落，鶯啼送客聞。
8		夜泊牛渚懷古	李白	牛渚西江夜，青天無片雲。 登舟望秋月，空憶謝將軍。 余亦能高詠，斯人不可聞。 明朝掛帆去，楓葉落紛紛。
9		鳥鳴澗	王維	人間桂花落，夜靜春山空。 月出驚山鳥，時鳴春澗中。
10		春思	李白	燕草如碧絲，秦桑低綠枝。 當君懷歸日，是妾斷腸時。 春風不相識，何事入羅幃？

# 圳頭國民小學 四年級 上學期詩詞教育時程表

週別	家長簽名	詩題	作者	內容
11		黃鶴樓	崔顥	昔人已乘黃鶴去，此地空餘黃鶴樓。 黃鶴一去不復返，白雲千載空悠悠。 晴川歷歷漢陽樹，芳草萋萋鸚鵡洲。 日暮鄉關何處是，煙波江上使人愁。
12		春望	杜甫	國破山河在，城春草木深。 感時花濺淚，恨別鳥驚心。 烽火連三月，家書抵萬金。 白頭搔更短，渾欲不勝簪。
13		秋夜曲	王維	桂魄初生秋露微，輕羅已薄未更衣。 銀箏夜久殷勤弄，心怯空房不忍歸。
14		宮詞	顧況	玉樓天半起笙歌，風送宮嫔笑語和。 月殿影開聞夜漏，水晶簾捲近秋河。
15		旅夜書懷	杜甫	細草微風岸，危檣獨夜舟。 星垂平野闊，月湧大江流。 名豈文章著，官應老病休。 飄飄何所似，天地一沙鷗。
16		烈女操	孟郊	梧桐相待老，鴛鴦會雙死。 貞婦貴殉夫，捨生亦如此。 波瀾誓不起，妾心古井水。
17		逢雪宿芙蓉山主人	劉長卿	日暮蒼山遠，天寒白屋貧。 柴門聞犬吠，風雪夜歸人。
18		送友人	李白	青山橫北郭，白水繞東城。 此地一為別，孤蓬萬里征。 浮雲遊子意，落日故人情。 揮手自茲去，蕭蕭班馬鳴。
19		送梓州李使君	王維	萬壑樹參天，千山響杜鵑。 山中一夜雨，樹杪百重泉。 漢女輸幢布，巴人訟芋田。 文翁翻教授，不敢倚先賢。
20		江南春	杜牧	千里鶯啼綠映紅，水村山郭酒旗風。 南朝四百八十寺，多少樓臺煙雨中。